

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

集部
第二一九冊

責任編輯：孫言誠 賀 偉

ISBN 7-5333-0615-5



EB46/05

四庫全書存目叢書·集部二一九

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092毫米 16開本 46.875印張

1997年7月第1版 1997年7月第1次印刷

印數1—100

ISBN 7-5333-0615-5

Z·60 集部定價：127800圓

集部第二一九冊目次

集部·別集類

鶴靜堂集十九卷

〔清〕周茂源撰
山東省圖書館藏清康熙天馬山房刻本

一

願學堂集二十卷使交紀事一卷使交吟一卷安南世系略一卷南交好音一卷

〔清〕周燦撰并輯
北京圖書館藏清康熙刻本

二五八

月巖集五卷

〔清〕周禮撰
南京圖書館藏清乾隆蔡溪刻本

四七五

容菴詩集十卷辛卯集一卷

〔清〕孫爽撰
北京圖書館藏清順治十六年刻本

六三七

鶴靜堂集十九卷

〔清〕周茂源撰

山東省圖書館藏清康熙天馬山房刻本

附《四庫全書總目·鶴靜堂集

十九卷》提要

序

余方總角時周子鷹垂自其尊人

山東省立圖書館藏

氏歸省外舍出其橐中詩就正於家大夫

休時余甫入家塾從事帖括藝不暇爲詩也又三四

年益山先生解組歸里門築室于山之麓絕意仕宦

日餐雲蔭竹嘯傲自得詩古文愈益富余以周子故

得時從長者游間吟一二短章先生輒欣賞諷詠指

示坐客以爲大佳而家大夫方淬厲余兄弟不樂其

耽玩聲韻故不獲竟學無何萊陽宋觀察荔裳先生

王序

爲怨家構落職買舴艋游江湖間先生與家大夫皆

曩官京曹時舊友也因家五茸者半載每流連文酒

握手歌呼余亦數追隨兩先生杖履側操翰鬪捷一

時稱盛事尋觀察別去余亦偕周子僦裝應京兆試

不數月先生竟以病不諱聞周子麻衣馳赤日中踰

踰南返余不獲絮酒几筵爲噓噓悵望者久之其明

年冬觀察以奏計朝輦下道邁病閉戶不通客又以

蜀土變亂妻孥幾百日隔絕於瞿塘灩澦萬里外遂

沉憂以死今其所遺詩文竟不知尚存與否而先生

之詩以鷹垂能世其學故後先輝映而名益彰嗚呼
 十年間老成凋謝聚散死生一至於此悲夫今年秋
 周子復來京師既被放益豪於詩發其抑鬱磊落之
 氣而余塵事鞅掌詩日落周子顧以余爲可與論詩
 以先生集若干卷屬余序夫先生之詩猶江河之行
 地日月之經天固千載而不滅也何待於余言第序
 其區區知已之感於不衰云爾

康熙辛酉季秋下浣同里年姪王鴻緒拜譔

王序二十



鶴靜堂集

雲間周茂源金山著

男 緯 孫 鼎鉉

稚雯 稚廉 稚霖 稚森 編次

校訂姓氏

程文彝梓園

顧家駿子韶

受業門人

王 奭后張

宋思玉楚鴻

錢金甫越江

吳家吳非蒙

彭開祐椒崑

張世維水懷

鶴靜堂集

張世璠孝節

葉臨仙宣遠

弟 茂澄天來

振璵麟聲

金然廣菴

茂齡王引

纁我園

舜策銘

姪

綱方回

緒黼文

續肇書

綺頤書

姪孫

振緒昌匡

鼎軒三

稚邠西稼

稚焜西江

稚炳瀨音

楊鳴殿陟

鶴靜堂集卷之一

雲間周茂源宿來氏著一門人

吳家吳非儼
張世維水懷校

五言古詩

湖上會彭燕又適袁若遺至同憇湖心亭

朱明既徂令涼颼來襲人旅食寡歡豫振轡出城園
郊垌散遐矚行藥澄湖濱命侶探蘭若翛然同隱淪
有客聯騎至玉軼揚清塵邊渚偕歷覽放舟泛平津
林巒四面會澹澹曠無垠雲霞互曉曖樓觀懸空旻

鶴靜堂集

卷之一

五言古詩

一

洞沿賞未畢登臨興難馴輟棹憑水榭圓波起纖鱗
丹葩紛茜茜芳氣日夕親所志在寥廓嘯歌得其真
山水多幽蹟絃匏不復陳

園居詩

生年不滿百每爲婚宦牽胡不棄羈繼終得返自然
應龍豈長參高鳥亦戾天嗾嗾謝微祿耕我隴上田
川疇日以廣筋骨日以堅人生各有役戶樞常永年
結髮念儔侶無如沮溺賢

又

依山結吾廬茅茨不復剪灌木嘒玄蟬息陰有餘善
平坡來遠風啓牖睨層嶽尚臥忘百憂皇初自游衍
虛室張素琴竹肉徒婉孌

又

寒棠問鄰叟種植隨土宜良苗一以槁葵霍匪療饑
哀我田家子口食病夏畦日暮聞輕雷時雨乃徧施
濕薪負數秉晨炊常苦遲

又

東籬有繁英采之不盈掬濁酒盛滿壘攜手招隣曲

鶴靜堂集

卷之一

五言古詩

二

爾汝相和歌先民無禮俗雞豚散平原密蔭交桑竹
荷鋤經術阡閉戶寡微逐我慕榮啓期一飲善自足

又

屢空常晏如余懷豈杼軸生計事耘鋤或不辨種稂
輪鞅終歲稀誰知寒與煥書策自紛紜聊取娛我目
陋彼南山歌飯牛何刺促

同郡五君咏

董尚書玄宰

宗伯揚清暉德劭身亦固微言洞元始雲物麗丹雘

龍見無常儀鳳舉有恒度乘石匪足榮千齡寶綠素

陳徵君仲醇

徵君達者流早歲謝塵鞅東菑協耦耕束帛非所尚
雅抱敦薄夫清言亦沆瀣磊磊白石間海山存逸響

夏考功瑗公

夏子執亮節榮名善自保舉身赴清淵大勇存懷抱
虛室有遺經揚烏乃速歿我行崑山陰西州起悲悼

陳黃門臥子

黃門好奇計文采爲國琛骨鯁終見棄離憂思難任

鶴靜堂集

卷之一 五言古詩

三

精衛窮木石衝波一何深九京不可作同懷愧華簪

李舍人舒章

李生乃數奇途窮每瞻顧蕭騷梁父吟躑躅金門步
飄然返故丘悲鳴戀儔伍吹簫良有因稅覓更何慕

淮上別劉何實

載簪同出門得爲比舍郎自分膠漆固羽翮俱飛揚
豈意丁荼苦參辰不相望今我適京輦子方還故鄉
艤舟淮水湄薄暮登君堂華燈爛明燭嘉羞載圓方
旨酒諒無筭憂來不能嘗涼秋霜露降艸木多隕黃

朔風被中墊飛鴻正南翔之子戒我行河流日湯湯

率復憚于役所慎在行藏我生守貞信鼠憂心內傷

杖杜生道左特立以傍徨願子崇令德終然謨廟廊

輓成環洲先生

夙昔旅河朔蒲城久遨遊此方盛冠蓋高門無與儔

豐貂交玉槩鳴鏜動華輶光風拂蘭席白日麗朱樓

夫子懷直諒文采重天球當代貴名德作牧古雍州

如京奉珪幣弭節歸林丘伊予忝賔從幸舍頻淹留

維時凜冬暮兵革充道周空廬眇天末征塗嘆阻修

鶴靜堂集

卷之一 五言古詩

四

酌我金罍酒被以青豸裘冰雪明底雷觴詠耿不休

子姓四五人升堂樂唱酬翩翩同游彥託乘擬應劉

射獵時間作躍馬出長楸一發殪蒼兕雨血殷錦鞬

少年爭決拾矍鑠見老謀迢遙千里別荏苒歷數秋

策杖多暇豫懸車更夷猶三歲字不減贈言在息陬

如何龍蛇厄帝鄉不少留芝幃紛翠葆六驥間駟騊

梁木興悲慟欲往道無由我行大河湄鞅掌日慮囚

鏃矢不踰竟心痲終莫瘳涼颺振中墊河水逝悠悠

生芻寄行李涕泗縱橫流

開封太守朱石者修學宮三十韵

有明叔葉時中原冠雲擾重圍困大梁四鄙不復保
敵人灌吾城壞城以爲沼黃河水滔天蕩析無昏曉
都市龍鼉游名藩喪其實立國重類宮講藝尊王道
俎豆古聖賢登堂深窈窕世否丁陸沉廟貌莫從攷
皇輿式鼎新克孽迅若掃韋路初奠寧占星乃樹
表河壖總混茫千雉如烟島百官勤五遷割壤列旌
旄守郡號專城孑然候空堡亦有二三人褰裳來獨
早賢者亢土居維憂以用老時或見狂且食鴈翻得
鶴靜堂集

卷之一 五言古詩

五

飽十稔八九荒徧塗皆茶蓼况乃濶太平文明觀再
肇太守南州英行道舒凤抱濟災既有成鴻業靡弗
紹天下宗素王日月麗晴昊仁義迪遠謨遊梁功不
小卽事感廢興布著獲嘉兆詎需水衡錢屬植咸堅
好丹碧耀崇阿瑜石爲綵繞左圖泰山雲右壁回靈
鳥伐鼓鏗華鐘禮樂殺豐鎬一如東魯侯允文采芹
藻艸昧藉經綸詩書啓渾灝黼黻諒有餘作人廣壽
考

憂旱詩

炎曦揚烈威畢曜違南陸雨澤匱兼旬融風摧卉木
枯鱗出重淵大火病雲族林麓無良疇凶旱歲相屬
農人敢憚勞寄生賴種桂桔槔智已窮口食安可卜
厲魃儼在郊羣龍尚潛伏天漢嘗昭回誰能愛牲玉
又

伊余秉誠信戾止日告虔百神靡弗舉符籙陳廣筵
佞童舞間作伐鼓聲闐闐未明三盥沐且出周國鄜
軒車久不御劍騎咸舍旃吳蒼胡匪鑒曷疏山下泉
陽岡旣焚灼陰隲亦赫輝仰媿灌壇今俯憂乾封年
鶴靜堂集

卷之一 五言古詩

六

斬州盧氏殉難始末

伊昔靳黃間寇禍最慘烈官兵爲先驅食冒同餐餐
賊從上游來萬竈化魚鱉盧公偉丈夫嬰城誓死節
賊衆如蟻附交衢徧流血骨肉相因依一朝半屠滅
公當瀕死餘拒賊氣勇決登陴最健兒瞋目皆爲裂
嚴關倏焉摧鏃矢亦告竭逢掖長賤貧與城共存沒
長公間道歸遺骸裹衰絰負土瘞舊阡殉難叙始末
或死或竄亡歷數多嗚咽烈婦楊與袁大義明霜雪
楊爲紱也妻紱去成永別自投燎火中珠胎並燔焚

哀也歸震初堅貞儼積鐵從容拜姑嫜溺井求蠲潔
漆簡與丹旌采風宜首列夫何金鏡淪幽光殊未徹
純孝揚令名孤忠欽曩哲况乃黃鵠操挺然不可折
庶幾楚倚相紀美無遺缺援筆愧如椽奚庸表碑碣

冬夜過董律始山居與顧東籬同飲

高春發青溪暝際離東郭鼓枻遵細林川塗漸冥漠
巖洞餘夕暉山樓隱丹堊巖巖白石峯棲遯彌可樂
董生宅其中文史富述作所期鹿門耕寧數子雲閣
絕壁懸流泉平沙立鳴鶴我來良夜徂園林氣蕭索

鶴靜堂集

卷之一

五言古詩

七

高天隕微霜涼風動簾幕主人西鄰歸造次具杯酌
坐有東籬子墊服甘澹落抗論多欬獻百觚恣善謔
明月下南榮雞鳴聲唧唧相送出衡門招隱詎虛諾
埋照全天年聊以謝浮薄

憶仙都舊遊作

彌歲隸棘林一麾守山谷幸與雲霞親匪期升斗祿
南明暨括蒼洞天盈我目名勝首仙都千峯麗遐矚
丹竈金蓮華軒皇受圖錄馳驚四五年登臨苦未足
去轍度縉雲勞人謝徵逐茂宰真逸才留我車前談

駕言仙都遊除道飭林麓川漲值秋霖危梁幾斷續

徒御蹙裳行狎視等平陸捫葛循懸崖前後趾相屬

遂踰仙榜巖巖巖翠襲輕殺忘歸洞杳冥鍾乳滋石屋

嗟巖與湖峯童子及其腹記云童子峯及開湖之半古碑篆籀文

剝鉅苔蘚綠絳霄吐芙蓉列嶂紛攢簇石髮翳靈葩

厥根蟠地軸鐵峽隱重闔黝然紫崖木上聞好鳥鳴

其下擾羣鹿濟勝固有餘搜奇難殫錄放溜改回塗

飛舸抵一蹶孤岑媚夕陽婉變澄江曲張席進羽觴

停橈舉華燭不醉且無歸娛耳非絲竹今我徒臥遊

鶴靜堂集

卷之一

五言古詩

八

斯遊安可續

輓壽王弟

我昔方弱冠汝生甫四年兩昆弦誦暇攜汝戲我前
目如巖下電欲度驂驪先英物必蚤慧朗陵多後賢
如何丁未造家室屢播遷父兄相繼歿薄殖同逝川
扣角歌白石帶經犁墓田擬上河清頌耻作封禪篇
雄心驚千里六期期高鶩杖策歷江表長佩驚四筵
旨酒共娛樂賦詩孰比肩栖栖倦行役利器韜龍淵
奇才終見弃嘆屈廿林泉衰宗絕今望短折命在天

鵬鳥一朝降美人不少延季弟泣告我形影私自憐
孤兒未成立埋骨猶茫然著書乃夙尚所蓄存遺編
亡琴一以慟春艸徒纏綿

東陽道中紀行

結軫吳山麓方舟越江濤洄沿易素舸言適會稽陰
陂塘既四溢霖雨猶蒸淫羣峯正蒙曖蕭寺淹及旬
夜涼識天霽晨炊起問津暨陽乍歷險乃與烏傷鄰
憑軾東陽郡悅茲土風淳縉雲眇天際惡溪費招尋
既輕千里役登涉豈憚煩緣流適宿莽拾筏驚平林
鶴靜堂集 卷之一 五言古詩 九

舟行適永嘉卽事

南郭遵丘阿揚舲發江渚稍見版築興津塗鮮師旅
余榜指東甌離淙變寒暑茲焉屆蕭辰騷怨多遺緒
未逢故所歡有懷不得語長流邁飛湍列嘯難延佇
暝與石門期凌旦達孤嶼夕靄蕩餘暉朝霞絢平楚
山川可娛人靈嶺如律呂旣饒濟勝姿閎覽慕儔侶
安得遵同心樂與共爾汝所思勞湖洞聊復自咨與

懷方邵邨侍御

相違爽鳩署人事多迢遞音徽一再及示我零雨篇
側聽西臺薦嘉謨庶勉旃胡爲復遽閱百口窳窮邊
飛蓬轉萬里搖落難久全寒裳度遼水北嚮憂茫然
黃沙蔽白日暑路常水堅汝兄吾兄事鬢髮皆已宣
汝親吾父行傷哉及暮年徬徨形夢寐中道恐棄捐
肆赦一朝降死生信在天驅車入關塞骨肉相周旋
田廬既蕪沒江淮且播遷交遊半凋謝逝者如流泉
竭來南屏麓浩渺觀山川遊戲弄柔翰拂几生雲烟
鶴靜堂集 卷之一 五言古詩 十

登郭公山覽臨城言懷

伊昔郭景純東甌表仙籍肇域起高墉沉謀來相宅
白鹿爰効靈神龜乃食墨雲物久和寧封守無凶慝
顏謝富文辭鵬流二千石邦人工誦詩哲又喜潛逸
水木自清芬怡愉貴所適嗟哉遠今辰肩摩已衰息
隼輿張路隅騎士何克斥十厘八九空芻蕘倦供億
大師稱維垣夸毗誠民賊人牧良慎旃無然忘悱惻

苦寒

我行適南服，絺綌生微涼。山川倦遊覽，艸木多隕黃。
商飈一以至，莎雞鳴我床。弭策且延佇，駒隙殊未遑。
誰云甌土煥，重續無嚴裝。堅冰既已合，寧獨驚履霜。
薄帷障虛館，墜戶鮮閉藏。中夜不成寐，攬衣起徬徨。
遊子倦行役，歲晏思故鄉。雖復羣動息，萬籟增感傷。
噉噉雲中鴈，天風吹枯桑。

題李生風木庵

李生一豎子，履孝翼類鰥。鮮民負至痛，哀毀終執喪。

鶴靜堂集

卷之一 五言古詩

七

兵火忽見及，焚巢載罹殃。九死赴烈燭，木主出宗枋。
抱之奔中埜，雨泣摧肝腸。裂麻裹雞骨，坐廬宿墓旁。
炊烟日一舉，魚菽慰蒸嘗。甘露降林艸，白鳩爲翱翔。
我哀李生志，風木題空堂。伊予喪怙恃，窀穸愧厚藏。
宦遊踰一紀，松楸未成行。誓墓及衰老，殷憂念繁霜。
斯人不可泯，南陔詩未亡。

懷韓叔夜

韓子梁園客，文采艷春華。去家三千里，作吏東海涯。
民窮憂井稅，寇至攻我瑕。行間累宣索，瑣雜如亂麻。

日出趨軍壘，嚴更未散衙。椎牛供饗士，劒舞喧鳴笳。
退食無一飽，呵誚橫相加。棄官望鄉井，留滯越山嶺。
客久衣裳單，家貧爨烟冷。相遇浙水湄，相憐如形影。
念爾北渡河，寒冬朔風猛。馬箠手自操，僕夫泥沒脛。
村里慰藉多，撫襟發深省。委質許致身，得歸實厚幸。
故鄉十載餘，稍無風塵警。身閒理荒疇，負郭存二頃。

懷趙錦帆

吳越多秀民，麗藻矜奇服。趙子起中原，僞望激頽俗。
黃河流湯湯，崧嶽巨地軸。負質以高深，雄文光四國。

鶴靜堂集

卷之一 五言古詩

七

鶴鸞戾雲衢，騏驎馳逸足。昔同秋官郎，大義互敦勗。
懷才具棟梁，寧苟受微祿。十稔相際離，年華一何速。
仕路浩無津，輪轅各傾覆。客從河朔來，念子亂心曲。
操瑟違新歡，投壁罹再辱。罷官歸田廬，應門鮮僮僕。
蔽體僅褐衣，所有皆樸樸。堂上白髮親，黽勉進梁肉。
時作嬰兒嬉，蘭咳亦芬馥。貧賤有餘榮，躬耕復還讀。
若書俟千秋，璿珠媚幽谷。

漁樵廟江干眺望

步出北辰門，爰憩漁樵廟。請言廟所興，其事甚微與。

仙槎天表來榮光浮海嶠漁人警風靈鑄金崇像教
採珠並伐蛟揚颿出荒微忠信歷危瀾歸航亟祈報
所以郡郭隈巋然存廟貌戊戌六月間賊人三匝繞
舉烽先自焚廟毀隨原燎雖作牧馬場諸將過汎埽
稽顙祀明神戈舡或徵調聚沙啓弘圖磨礪速效
繡礎及雕楹踵事倍華耀攜手偕良朋觴酌助登眺
廟門俯江潭羣山皆窈窕莞席布瑤階雲烟紛浩浩
引睇有奇懷觴行縱諸筴夾右羅浮青中流孤嶼峭
麗矚良在茲遊者未前導一舄橫空江千林返夕照

鶴靜堂集

卷之一

五言古詩

主

悼王篤著

龔余滯山谷煩辱難具陳雖復影纓客役與興臺均
荒壤狃卑鄙幽栖鮮俊民偃仰負夙好微吟采江蘋
友邦邇甌越我遠多雅馴斯文邈千紀時哲揚清塵
亦有瑯琊彦才美信軼倫席寵居華閥升堂嚴雜賓
單思味六籍竊藻謀古人勞歌一再發因風達東隣
伊人亟賞激道契疑有神薄遊自今始弭楫蜃川濱
惻惻二三子著書恒苦貧調饑懷彼美未嘗接素茵

願言見顏色宿草非一春臨絕有遺詠埋玉還其真
知己竟下世痛若平生親

賦得夾竹桃

亭亭一叢竹緋桃互縈紆竹色清可悅桃枝媚有餘
交柯結不解花葉相乘除在物有連理人生反不如
嚶鳴慕儔匹杖杜悲單虛結交期白首松栢諒不渝
一旦若華改飄萍與之俱君子遠行役各在天一隅
彼美不我卽同心而離居

所見

鶴靜堂集

卷之一

五言古詩

古

降人到城下乘坐官家馬倒執黃金鞭容顏如渥赭
葡萄錦作襦休沐歸華廈將吏供張虔望綬忘其假
萬開來憲副去甌歸上黨六年所詩以奉懷
萬公天人姿樹績謀不朽舊勲多虎臣拒鬯錫二卣
高咏水部詩從容佩瓊玖賤子列秋曹素筆勤趨走
躍馬遊上京時躡清塵後熊幡蒞海邦隸屬巖疆守
艱危應戎機視同左右手內訌冠方張蹶越登陴久
萬衆恃一心智勇皆深厚非獨完吾師誓將殄小醜
東藩課閒田司土失稅畝前謨諒無愆誰執護間口

釋甲遂西歸荷鋤耕隴首上黨天爲隣星辰垂戶牖
烟駕或往來長謝朱軒友鼓琴以自娛埋照惟飲酒
我欲從之遊履素信無咎憂心日忡忡關河阻林阜

山郭春雨見新柳

總轡出城闕婉孌擇山麓迤邐適南阜延覽清川曲
山農守原疇靈雨祈霖霖絕壑流水漸鳴泉響哀玉
林薄霏朝烟枯萸微已綠楊柳多傷悲遊子思邦族
周道行倭遲飭裝理春服毋爲懷土深且復散遐矚
登洞天巖

鶴靜堂集

卷之一 五言古詩

圭

重陰蔽軒墀山翠徒曉靄岑寂空王居未始踰闕外
葯房觀晨曦沙汭豁幽昧司牧萃百憂一朝爲解帶
邀我洞天巖遊觀弄烟瀝聯騎出中逵方丹沿淺瀨
徐步廣隰間卉木麗如繪稍陟陽林阿修柯蔭松檜
曲磴踐危崖蓮峯儼相對陵苕鬱青蔥石髮明紺黛
倒景凌太虛飛泉想清嶺茲山終不移逝者閱人代
情以觀化超道惟賞心會雖驚物候殊聊復慰行邁

贈清江楊仁叔

維舟蕭水湄閣山日云暮策足城東闔高樓臨大路

借問誰氏居西州悲太傅主人揖我前假館道情慄

執義追先公冠劍與哀慕伊昔違閔初羣兇擾天步

抗論登雲臺射隼絕回互終當効夙經砥節凜衰祚

質身諒不移覆巢豈再顧子生方六齡視息危朝露

乍離保母懷忽作廝傭務擔薪及斧冰艸衣無尺布

九歲客虔州姓名得自訴口食相因依聊復求章句

浩蕩感殊恩日月無永綢匍匐歸敝廬親申皆非故

遺書既散亡存者亦朽蠹讀之涕滂沱憂傷信孔痾

譬如孤生桐不植將自仆時懼猛虎吟敢作大人賦

鶴靜堂集

卷之一 五言古詩

圭

我嘗適四方存往多懷寤踣患獨履貞楊子乃僅遇

與陳伯璣

有美南州英翩翩陳公子四國揚令名賦詩實清綺
我今適西遊言訪磨鏡里披帷宛在斯良覲從茲始
十年屢播遷所保惟圖史室無長物存蕭然絕紛靡
品隲橫古今鉛黃日盈几力追正始音閱覽歸一旨
匪特慰調饑間樂歎觀止

望廬山瀑布

孟冬天氣涼珥櫨湖陰夕弱葦欺清霜寒洲陽鳥宅

凌旦發輕颺方舟爭挂席盥漱登高艫朝霏已乍釋
余榜指匡廬南康在瞬息香爐冠羣峯五老記丹籍
願言從之遊復爾牽物役崇巒出飛泉仰視越咫尺
吐瀾無窮時層霄懸練帛龍湫暨石梁縱覽憶疇昔
及茲憬靈奇四照湖光碧身行河漢間詎假生羽翼
嗟彼夸父勞萬里騁人迹

出江遇風回泊土橋

江行及下春旅泊土橋塢村墟聚平沙烽堠偵極浦
夜漁罟未收移舟月方午驚颺觸寒濤水立馮夷舞

鶴靜堂集

卷之一

五言古詩

七

涉川戒不虞濡尾義無取中夜犯蛟宮榜人識如瞽
待曙且旋艫宛然舊林莽丈人披髮行忠信亦逞武
匏葉測淺深智者銘丹府

石門道中

甫息萬里遊胡然事奔走近修鄰境交三宿聚糧糗
進樵越來溪迤邐涉靈阜歷覽亂雲烟微行徧郊藪
栖遲化人居束帶亦云偶緇素無雜賓達者爲吾友
興至發長謠忘憂恃尊酒遡旋春事徂孟夏當清晝
桑林枝尚桑麥壠雉方雉蕪沒女陽亭花飛蠶湖口

令名天下希詎卜千載後已知朝寄勞不若刈菰韭
東臯返敝廬紅藥開竟畝何以制頽齡娛情日鼓缶

送金天石遊山左

金子丘園秀超逸類冥鴻襟情橫八極凌厲扶桑東
讀書鄙章句謀道忘屢空雖復遭坎壈未始悲路窮
伊予金自出敢謂陽元同相與爲兄弟各在襁褓中
兒嬉執荻荻部勒效軍容稍長就外傳角藝當成童
方期履文陛聯步蓬萊宮風塵正瀕洞分手如飄蓬
行藏既異軌形影不相從濫吹積數載一麾守巖封

鶴靜堂集

卷之一

五言古詩

六

君枉千里駕來遊歷羣峯高談突星瀨對酒石門松
夙昔希退士心跡悔未融送君滄海畔予亦遂歸農
秉耒復垂釣敦樸保微躬榮名信鴆毒勿慕楚兩龔
乍聞遠行役飢驅何匆匆擊樵踰汶濟乘櫓陟東蒙
賢者勤吏職西嚮舍蓋公況有盧敖侶行李扶雙筇
夏木垂繁蔭長隴雉華蟲瀏覽富篇什吐詞鬱雲紅
去矣同懷子北望勞我衷

贈魏王鳴明府

賢侯王鶴占昔年宰茲邑彈琴水鏡園雅彥嘗奔澤

厥後有婁公長厚寬民力進租旦暮清四墊安衽席
老幼多去思二公政誰匹非無勤爾絲徒然困吏職
亦有下中材不辨阡與陌如何四五年乳虎交相迫
人牧無霽顏嚴威勝交戟借叢不復還私室盈金帛
綠幘動成羣觀者同白額生民無完膚此輩五鼎食
天道當陽回堅冰亦乍釋除目識公名舊時推惻悞
惠行荔浦涯威標銅柱側我侯甫入疆治爲江表式
黠吏不敢譁屏氓不再匿儒生三木餘乃復賜顏色
伊余守山城家賦無違忒史胥銖兩訛奪我二千石

鶴靜堂集

卷之一 五言古詩

九

拂衣返敝廬七載甘沈抑匪戀尊與菰養拙固所適
我侯至西郊褰裳迎畫鷁悱惻軫窮黎立談見胸臆
人投慈母懷恐解舊徽纆勉勸三農何者憂荒棘
所以今年租廩賡早克塞前人有庚桑茲乃踰疇昔
幸出湯火中敢忘更生德躋堂頌我侯膏雨古郇伯
載賡鳩鳩篇壽考信無斁

東沈雪峯

美人居蘆漪懷寶甘落竭來依空桑塊然處北郭
屯霧閼春華驚颺蕩秋葢局戶養微疴觀書辨百藥

時作東武吟交遊謝宛洛攜手高陽徒霑醉恣談詭
勿戀七尺軀終焉飽獘貉求爲身後名所貴在天爵
賤子忝同懷茗粥有餘樂苦雨彌十旬念爾棲窮約
荒城烟火稀况乃空倉雀出入泥淖中徑渡須畧約
滕情良自寬卑濕未爲虐天道難具詳好言慰離索
坐聽林鳥鳴夕暉亦已薄我歸子雲亭君臥維摩閣
旦復讀君詩心迹雙寂寞陋彼宣驕子玉纓與朱襪
華屋藥層霄沈沈如夜壑

悼西臨弟

鶴靜堂集

卷之一 五言古詩

十

汝南吾族望遷吳從汴梁譜系同所自散居歎浦傍
鼎鼎百年內廬墓鬱相望余生苦孤露煢然鮮葢藏
歎考勤慰勞念之涕沾裳汝兄今何在三人皆天殤
伯仲亦最采才子爲壽王壽王歿五載遺文洵煒煌
吾弟顧我泣父死逾十霜阡遠不克葬殯宮倚壞墻
况乃丁喪亂獨身嗣烝嘗耕鋤復還讀扣角聲悲涼
我適遠行役經年返故鄉遲弟久不至羸疾臥東岡
歲暮盛冰雪世父來徬徨謂弟終不起病已入膏肓
聊復具藥物宵燭冀末光吾子檢衣笥禦寒加薄裝

人日聞汝訃春筵罷酒漿世父復來止慟哭難禁當
吾弟聽吾札臨絕多慨慷父歿塋無力毋塚虛北邙
二兄已長逝寡鵠盈閨房哀哉紅顏婦稚子始扶床

地震

戊申六月中既望越翼日大地忽震驚漏下甫三商
聲若鳴天雷勢疑轉鰲極民人動如烟股戰不得息
櫪馬皆崩騰街衢譟終夕夏畦蹶然興誰復帖衽席
墊夫棲舊山散帙至昏黑獨酌且長謠酣臥無反側
旦起聽民訛杞憂方悱惻微聞十旬來經天見太白

鶴靜堂集

卷之一 五言古詩

三

至尊省咎徵求言寵切直嗟予艸莽臣未竭股肱
力疚哉子牟心安能徒憫默

舊郡丞楊無聲來松作畫見詒賦謝

司馬昔佐郡清風被南疆心顏在霞外晨夕理縹緲
薄征得下考去位固徜徉閩越方用武未嘗歸故鄉
回策邯鄲道牽舟笠澤傷重來過吾里歲序多悲涼
白鴈亦已至深林隕繁霜湖海志寥廓長歌何慨慷
詒我齊紈素含毫繪微茫雲木信蔥蒨晴巒亦青蒼
彼美復何在蒹葭水一方披圖浩無際紫烟出茅堂

小山賦招隱謂余慎行藏終期遊五岳雅尚安可忘
寒夜飲董閔石齋沈醉而歸因以自嘲

積水盈四衢言赴江都約座中四五人顧盼皆英偉
主人兄弟賢愛客善諧謔周生本不羈忽爾過三爵
惛惛弄明瓊函弄呼鑿落華燈吐焰微霜月逗簾箔
夜分客未散都覺颺袞袞屣履下階來一醉忘酬酢
空負拍浮名不復勝盃酌豈意僕射酒竟類羊公鶴
春霽集趙雙白尊廬時其同鄉漳浦何述祖明
經廬子敏文學在坐

鶴靜堂集

卷之一 五言古詩

三

城南有一士生長從災方丹嶠萃瓌瑋夙齡挺圭璋
萬里動烟駕來遊勾吳鄉愛此秋蕪潔卜居谷水陽
谷川信演迤峯樹多青蒼左依紺園趾壯觀矚大荒
樓雉豁氛靄西瞻匝金塘既考幽人室言敞君子堂
春旦當初旭物候誠悅康斑鹿藉新卉文禽展圓吭
竹徑含空翠梅林非一香今日斗酒會爲歡殊未央
復有閩越秀連衽涉我疆樂羣靡遠近存往皆慨慷
海壖兵未戢土著各雲翔如彼朔風厲天末求稻粱
旅人敬愛客一飲三月糧或疑召六甲行厨羅酒漿